

Na osnovu člana 32. Zakona o javnim nabavkama Bosne i Hercegovine ("Službeni glasnik BiH" broj: 39/14), a nakon provedenog otvorenog postupka nabavka usluga:
„Kolektivno- kombinovano osiguranje zaposlenika“-- tender br. 03/17 (red. broj 173. iz Plana nabavke za 2016 g.), zaključuje se

OKVIRNI SPORAZUM

Između:

1. KJKP "Vodovod i Kanalizacija" d.o.o. Sarajevo, ul. Jaroslava Černija broj 8., Sarajevo (u daljem tekstu: ugovorni organ), koga zastupa direktor Nezir Hadžić, Magistar uprave i
2. DD za osiguranje „VGT“ Visoko, Filijala Sarajevo, ul. Alaudin br. 1, Visoko (u daljem tekstu: ponuđač), koga zastupa v.d. direktor Majid Avdičević .

Član 1.

Ovim okvirnim sporazumom ugovorne strane regulišu okvirna pitanja vezana za realizaciju nabavke usluga: **„Kolektivno- kombinovano osiguranje zaposlenika“**-- za koje je proveden otvoreni postupak nabavke.

Na osnovu ovog okvirnog sporazuma ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog okvirnog sporazuma odnosno nabavku čija finansijska vrijednost odnosno period trajanja maksimalno može biti do iznosa i perioda utvrđenog u članu 3. i članu 4. ovog sporazuma, a što će zavisiti od potreba i interesa ugovornog organa.

Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.

Član 2.

Okvirni sporazum se zaključuje sa ponuđačem čija ponuda je izabrana kao najpovoljnija u otvorenom postupku nabavke broj: **03/17**, objavljenom na portalu Javnih nabavki broj 247-1-2-16-3-69/17 od 20.02. 2017 godine.

Član 3.

Ukupna vrijednost ovog okvirnog sporazuma bez uključenog poreza na dodanu vrijednost iznosi: **46.992,00 KM** (slovima: četrdesetšesthiljadadevetstotinadevedesetdva i 00/100 KM)

Član 4.

Okvirni sporazum se zaključuje za period od 24 mjeseca od dana zaključivanja okvirnog sporazuma.

Član 5.

Usluge koje su predmet okvirnog sporazuma su specificirane u tenderskoj dokumentaciji br.03/17 i ponudi ponuđača broj: 1085/17 od 07.03.2017.godine, koja je sastavni dio okvirnog sporazuma.

Član 6.

Odredbe ovog okvirnog sporazuma ne mogu se mijenjati nakon njegovog zaključenja.

Član 7.

Ovaj okvirni sporazum primjenjuje se sa danom potpisivanja od obje ugovorne strane.

Član 8.

Sve eventualne sporove ugovorne strane će rješavati mirnim putem, a ako u tome ne uspiju, nadležan je sud u Sarajevu.

Član 9.

Obavještenje o dodjeli okvirnog sporazuma će se objaviti na Portalu javnih nabavki.

Član 10.

Okvirni sporazum sačinjen je u 6 primjeraka, od kojih svaka ugovorna strana zadržava po 3 primjerka.

Ponudač:

Ugovorni organ:

**v.d. Izvršni direktor
za ekonomske i pravne poslove**



Šaćira Mrndić, dipl.oec.

Direktor

Majid Avdićević



Direktor

Nezir Hadžić, Magistar uprave



Broj: 3042/17

Datum: 24.07.2017.

Broj: 259/17

Datum: 24.07.2017